

concinati: sed cum Gummi & Ammoniaci & sanguine, ut antea diximus: non enim fieri potest, ut duæ vesicæ reperiantur, & unica tunica inclusa: & præterea nullum animal reperitur, quod istius figure haberet testiculos. Legitimi Castorei liquor est resinofus, gravis & ingrati odoris, validi & mordacis saporis, fragilis, & circumdatus pluribus tunicis nativis. Fugendum est nigrum & rancidum, nam (si verum est quod Avicenna scripsit) hoc spacio unius diei, eum, qui intra corpus sumpsit, interficit. Nonnulli perhibent, genuinum tam acuti esse odoris, ut una tantum vice naribus appositam sanguinem eliciat. Dioscorides verò intermutationem citere dicit: quod etiam signum est ejus vehementie, quemadmodum patet in Helleboro albo, dum contunditur. Nec mirari debemus, inter tam multa alia medicamenta hoc unicum, quod opii frigiditatem summam retunderet, fuisse selectum: nam præter id, quod calidam habeat facultatem, partium quoque est subtilium, ut forsitan magis quam alia omnia medicamenta penetret, & opio in æquali efficacia opponatur: quod si illi alia quædam calida & aperiens res adderetur, ut est crocum, piper, aut simile quippiam, tantum adjuvaret penetrationem, & dilataret vias opio: at non ita validum esset, ut opii vires evidenter frangeret: quod tamen utrumque Castoreum potenter præstat: quanquam magis propter alteram causam, ut nimirum refrenet ejus malignitatem, illi addatur: ne aliàs (quod nonnulli faciunt) opium necesse sit leviter comburi, ut ejus vis nonnihil minuatur. Quod tamen etiam Galenus lib. 3. de compos. Medic. secundum loca reprehendit cap. 1. ubi examinat Apollonii compositionem ad dolores aurium. Cum itaq; Castoreum tantæ momenti sit, nec reperitur aliud quippiam, quod illi substitui possit, curandum, ut

optimum & maximè genuinum habeatur, ne ipsius respectu Antidotus non assequatur suam perfectionem.

**QUÆ** interiore ventriculi gallinæ sinu resecta membrana, secti in laminas cornus specie similis (ei verò inter coquendum abjici solet) sicatur, \* tritaq; in vino convenienti dîmè stomachicis datur in potu. *Dioscorides.*

**INTESTINALUPI** per longum & per transversum digiti medi longitudinè scindantur, & laventur vino, aut aqua forniculi, vel ruta: inde in clubano, ut alia excicentur. \* Ad colicos efficacis est. *Colomienjes.*

**GENITALE CERVI**, sanguine prius probe expresso, vino aut aqua aliqua abluitur: deinde in furno probe excicatur, reponiturque in loco sicco. \* Tritum & in vino potum, à vipera demorsus auxiliatur, remoranibus urinis ac celi cruciatibus affectis auxilio est, si ubi aqua probe fuerit elotum, ipsa statim ablutio bibatur aqua. Ajunt, in pulverem tritum, & iis medicamentis inditum, quæ Venereum excitant, ea valentiora efficere. **Quin** & dysentericis mederi magno successu à nonnullis expertum est. *Dioscorides & Marthiolus.*

**RENES SCINCORUM**, qui crocodili sunt terrestres, siccati servantur. \* Venereum excitant: sperma augent.

**VESICA SUIS**, quæ terram non attingit, pubi imposta, urinam citere fertur. *Plin.*

**UMBILICI INFANTIS** recenter nati portiuncula in annulo gestata, pollere fertur contra morbum caducum, & capitis, coliq; dolores. *Albertus.*

**VESICA OVILLA**, vel caprina, cremata, & ex posca bibita, vel leporis testiculus ex vino odoro coctus & potus, iis, qui urinam invitredunt, bene facit. *Galenus.*

## De Ossibus, Sectio XXII.

**UNICORNŪ**, Græcis monoceros dicitur. \* Hujus animalis cornu ramentum ex vino potum, juvat partum, & secundas educendas, nec non sudorem: ad venena, pestilentiamque abigendam, potu salubriter excitat. Datur à granis sex ad drachmam semissem, vel integram. *Andernacus.*

**ESUR** nihil aliud est, quam Elephantinorum dentium materies. \* Vim astringendi obtinet. Scobs illita paronychia sanat. Ad albas mulierum fluxiones præstat, si in tenuissimum pulverem, lapide porphyreo redigatur, propineturque ex lactucæ seminis cremore aqua, in qua chalybs extinctus fuerit, prius macerato semine. Rarsura morbo regio laborantibus, aut cibum ex vino datur: si febris adeit, ex aqua cichorii, & lupulorum. Singulariter etiam ad verines in febris valet: quia eos non, ut reliqua calfacientia, auget. Constat etiam diuturnis obstruccionibus,

**E** & stomachi dolores abigit: hujus potu mulieres ad concipiendum fortum aptissimæ redduntur. *Dioscor. Marthiolus & Andernacus.*

**CERVINUM CORNŪ** \* tostum & elotum, binis ligulis epotū, prodest dysentericis, ex creatibus sanguinem, celiacis, regio morbo, & vesicæ doloribus cum tragacantha: foemina fluxione vulvæ laborantibus, cum liquore huic rei accommodato. Cervi cornu concalum, crudo sicco, luto circumlito, & in furnum indito, uritur donec albescat. Id eadem modo elotum, ulceribus oculorum, & de fluxionibus salutare est: infictum dentes expurgat. Crudi cornu suffiti dolore serpentis fugantur: servefactum in acetosi eo gingivæ colluantur, maxillarum à dentitione dolorem adimit. *Dioscorides.*

**OS DE CORDE CERVI** \* omnibus cordis affectibus confert. contra omnia venena mirificè præstat, antidotiq; admiscetur, quæ pestilentia

tiæ adversantur. Sed cavendum est, ne hujus loco seplasiarii bubulam tracheam arteriam accipiant in compositionibus, ut facere consueverunt. *Matthiolus.*

**CRANII HOMINIS** \* in pulverem redacti drachma ex aqua betonicæ assumpta comitialibus prodest. Primum autem aqua elui, deinde vino lavari debet, ut facilius ad partem affectam penetrare queat. In paralyti ex aqua betonicæ, vel hyslopi lavandum est detritum & paratum diligenter. *Andernacus.*

**OSSEICULUM VERTICIS**, triangulare, ad formam lapidis piscis cyprini, vulgo capionis dicti, in calvaria vertice, ubi suturæ committuntur, intus subsistit. Id, ubi scalpello penetraverit, statim foras proflit. Anatomicis hæc os in cognitum. \* Idem (inquit osseiculus) nummi Germanici cruciferi appellati magnitudine, divinum epileptiæ remediū, est: quod morbum hæc adeo efficaciter curat, ut is nunquam revertatur: si quidem Paracello fidei adhibenda est. *Andernacus.*

**ACCIPITRIS** ossa aurum attrahunt, ut *Alianus* scribit. Ad hæc à *Brufonio*, adnotante *Georgio Fabricio*, gallinarum ossa auro liquefacta admista, illud in se consumit.

**A** Ossa Lupi exiccata, & in pulverem redacta, ad morbum intercostalem, ad ictus, & puncturas valent.

Ossa parvula, quæ inveniuntur in prioribus leporis pedibus, ad urinas potenter movendas profunt, si pulvis illorum cum vino albo exhibeatur.

**O** S **S** E P T I M A ad eundem affectum feliciter præscribitur.

**B** De Ossa brachii humani aliquid, & summitate ala auferis gestatum, quartanam curat: item contra arthritidem & quodvis ulcus depallescens, summe prodest humani brachii, vel ubiq; os combustum, facto pulvere ex eo quod album intus mansit, & parti affectæ applicato. *Geber.*

**D** E N T I S apri pulvis exceptus oleo lini, cynanchen præsentissime curat, si locus affectus tangatur, cum extremitate pennæ tali mislura imbutæ. *Avicenna & Arnaldus.*

**C** Ex **B** U B U L O R U M cornibus annulus concinnatus, ac gestatus, guttam grampan, ut vocant, hoc est, musculorum suræ convulsionem impedit. Idem etiam præstat, idq; certo certius, unguæ Alces portium, ula nuda, vel annulo inclusa, & gestata. *Mizaldus.*

### De Medullis, Sectio XXIII.

**C** E R V I N A MEDULLA laudatissima est. Colligitur, præparatur, & reponitur, ut bubulina. \* Cervina perunctis venenata fugiunt. Mollit, rarefacit, ulcera explet. &c. *Dioscor.*

**V** I T U L I N A secundum locum in bonitate obtinet. Colligitur eodem tempore, eo dem que modo conficitur, ut bubulina. \* Vim habet indurata & scirrhosa corpora emolliendi, sive musculis, sive tendonibus, sive ligamentis id accidat, sive etiam visceribus. Pellis ex hac componuntur, uteros emollientes. *Galenus.*

**B** U B U L I N A medulla tertium in bonitate locum habet: ex florenti raro sumitur, ex ossi-

**D** bus, colligiturq; æstatis exitu, hyemis initio. Reponitur autem vel per se, lota tantum, & ab omni immunditie repurgata, loco sicco, in vase figulino, vitreato, & obturato: vel lento admodum igne, vel vase duplici liquata: postea per pannum densiorem colata, & in loco frigido servata. \* Calfacit, mollit, rarefacit, ulcera explet, &c. *Dioscorides.*

**H** I R C I N A medulla quartum in bonitate ordinem tenet: \* acrior ac licior est. Colligitur atque præparatur, ut præcedentes, &c. Dosis omnium medullarum est ab ʒ β. ad ʒ ij. vel ʒ iij. pro remedii quantitate.

### De Sanguine, Sectio XXIV.

**S** A N G U I S, ejus in medicina usus, ex multis animalibus colligitur, dum adhuc ætate florenti sunt. Sanguis **H** I R C I N U S in hunc modum paratur: Maturescente uva hircus quadrimus, bene habitus, jugulatur, mediusq; effluens sanguis fictili bene cocto excipitur: (nam primus tenuior, postremus crassior putatur:) deinde coctus in aqua, donec concreseat, arundine fissa secatur obliquè & transversim, ut quod in eo aqueum est effluat: deinde linteo raro textus soli exponitur, atque ita siccat: curandum interea, ne pluvius aspergatur: deinde tritus vase vitreo, aut fictili vitrato bene obturato reponitur. Alii hircum diebus canicularibus, herbis calculum frangentibus nutriunt, & vino albo odorato, donec urina nigrescat: deinde jugulant, &

**F** in eum quem supra diximus modum præparant. Hoc præparationis genus etsi inutile non videatur, necessarium tamen non est, cum apud Græcos sanguinis hirci non eo modo nutriti, etiam usus fuerit, sed medicamenta calculi frangentia admiscebantur. \* Sanguis auferis, anatis, & hædi, utilissime in antidota miscetur. Palubi autem, tur-turis, & colûbe, nec nõ perdicis, oculis cruore suffusis, & recentibus eorum vulneribus, luctuosiq; illinuntur. Peculiariter columbe sanguis, etiam membranis cerebri erumpentibus inibet. Hirci, capræ, cervi, & leporis sanguis inassarum sartagine, dysenterias, & cæliacorum profluvia sistit: in vino potus contra toxica efficax est. Leporinus sanguis ita ut repet illitus, vitia cutis in facie, lentiginisque emaculat. Caninus commode ab his bibi-